

Abc
d

UGOVOR **o nabavci i popravci trakastih zavjesa**

Zaključen u Sarajevu između:

Zavoda zdravstvenog osiguranja Kantona Sarajevo, ul. Ložionička broj 2 (u daljem tekstu Ugovorni organ), kojeg zastupa direktor Mr.sc.i.oec.prim.spec.dr. Samir Turković

i

Efekt Komerc Dizajn d.o.o. Sarajevo, ul. Hifzi Bjelavca 5 (u daljem tekstu Dobavljač), kojeg zastupa direktorica Armina Lutvica.

PREDMET UGOVORA

Član 1.

Predmet ugovora je regulisanje prava i obaveza između Ugovornog organa i Dobavljača kao izabranog ponuđača u postupku javne nabavke putem direktnog sporazuma, za nabavku i popravku trakastih zavjesa za period od jedne godine u Zavodu zdravstvenog osiguranja Kantona Sarajevo, a u skladu sa Odlukom o pokretanju postupka broj 03-08-Dž.H.N.-39652-OP/17 od 24.10.2017. godine, Pozivom na dostavljanje ponude broj 03-08-Dž.H.N.-39652-OP/17 od 25.10.2017. godine, ponudom ponuđača broj 157-E-17 od 01.11.2017. godine i Odlukom o prihvatanju ponude broj 03-08-Dž.H.N.-39652-OPP/17 od 07.11.2017. godine.

Član 2.

Predmet Ugovora je nabavka novih trakastih zavjesa i popravka postojećih trakastih zavjesa (zamjena pokvarenih individualnih traka/lamela, tegova, lančića, montaža i učvršćivanje postojećih vodilica) u dvije poslovne zgrade u vlasništvu Zavoda zdravstvenog osiguranja Kantona Sarajevo tj. u direkciji Zavoda u ul. Ložionička broj 2 (7.-10. sprat) i poslovnici Novo Sarajevo – Novi grad u ul. Zmaja od Bosne bb sa količinama i tehničkom specifikacijom navedenim u sljedećoj tabeli:

R. br	Opis robe	Količina	Tehnička specifikacija
1	trakaste zavjese	99 m ²	vertikalne trakaste zavjese sa platnenim lamelama širine 127mm pripadajući materijal (lančić, teg)
			moгуćnost okretanja lamela za 360 stepeni pomoću lančića
			moгуćnost skupljanja/razvlačenja zavjese po karniši pomoću špage radi propuštanja željene količine svjetlosti
			materijal: platno 100% polyester koje je antistatičko, ne kupi prašinu i ne upija mirise
			nove trakaste zavjese moraju biti identične boje i dezena kao postojeće
2	zamjenski tegovi	950 kom.	moraju biti identične boje i dezena kao postojeći
3	zamjenski lančići	250 m	moraju biti identične boje i dezena kao postojeći
4	montaža postojećih vodilica u vlasništvu Zavoda	10 kom.	-
5	učvršćivanje postojećih montiranih vodilica	70 kom.	-

Dobavljač je saglasan da će dekore uraditi prema izboru ugovornog organa (radi unifikacije sa postojećom opremom).

Obaveza dobavljača je da nakon potpisivanja ugovora a prije ugradnje trakastih zavjesa Ugovornom organu dostavi uzorak trakastih zavjesa i pripadajućeg materijala da bi ugovorni organ mogao utvrditi da su ponuđene trakaste zavjese u skladu sa postojećim zavjesama.

OBAVEZE UGOVORNIH ORGANA

Član 3.

Dobavljač se obavezuje isporučiti robu i pružiti usluge koje su predmet ovog ugovora, koji kvalitetom i količinom u svemu odgovaraju karakteristikama preciziranim u Pozivu na dostavljanje ponude broj 03-08-Dž.H.N.-39652-OP/17 od 25.10.2017. godine, na način i u rokovima regulisanim ovim ugovorom i ponudom Dobavljača.

Dobavljač se obavezuje da će prilikom dostave robe i pružanja usluga dostaviti Otpremnicu koja odgovara dostavljenoj robi i pruženim uslugama koju će dati na kontrolu ovlaštenom licu Ugovornog organa.

Član 4.

Ugovorni organ se obavezuje da primi isporučenu robu i pružene usluge ukoliko isti odgovaraju ugovorenom kvalitetu i plati ugovorenu cijenu na način i u rokovima određenim Pozivom na dostavljanje ponude, ponudom dobavljača i ovim ugovorom.

Član 5.

Cijena nabavke roba koje su predmet ovog ugovora ukupno iznosi **3.016,96 KM sa PDV-om** (trihiljadešesnaest i 96/100 KM). Dobavljač se obavezuje da će robe i usluge iz člana 2. ovog ugovora isporučiti i pružiti po jediničnoj cijeni u kojoj je uračunat PDV i svi drugi zavisni troškovi kako je navedeno u sljedećoj tabeli:

R. br.	Opis robe	Količina	Jedinična cijena bez PDV-a	Ukupna cijena bez PDV-a
1	trakaste zavjese	99 m ²	16,40	1.623,60
2	zamjenski tegovi	950 kom.	0,40	380,00
3	zamjenski lančići	250 m	0,50	125,00
4	montaža postojećih vodilica u vlasništvu Zavoda	10 kom.	10,00	100,00
5	učvršćivanje postojećih montiranih vodilica	70 kom.	5,00	350,00
Ukupna cijena bez PDV-a				2.578,60
PDV na cijenu ponude				438,36
Ukupna cijena za ugovor sa PDV-om				3.016,96

U cijenu je uključena izrada, dostava i montaža novih trakastih zavjesa i popravka postojećih trakastih zavjesa (zamjena pokvarenih individualnih traka/lamela, zamjena tegova i lančića, montaža postojećih vodilica, učvršćivanje montiranih vodilica) te svi drugi zavisni troškovi. Nakon završenih radova sve trakaste zavjese u direkciji Zavoda i poslovnici Novo Sarajevo – Novi grad trebaju biti ispravne, funkcionalne i estetski prikladne.

U slučaju potrebe za robama ili uslugama većeg obima, izvan okvira ugovornih obaveza, Dobavljač je obavezan tražiti saglasnost Ugovornog organa, te obrazložiti potrebu izvođenja istih i priložiti svoj važeći cjenovnik.

88

Član 6.

Cijenu iz člana 5. ovog ugovora Ugovorni organ će isplatiti u roku do 60 dana nakon isporuke robe i pružanja usluga i ispostavljene ispravne fakture.

GARANTNI ROK

Član 7.

Garantni rok za isporučene i ugrađene robe je 2 (dvije) godine od dana isporuke i montaže uključujući sve dijelove. Dobavljač se obavezuje da će sve neispravnosti vezane za predmete nabavke otkloniti i izvršiti zamjenu koja bi nastala nenamjernim oštećenjem ili iz nekih drugih opravdanih razloga.

ROK ISPORUKE

Član 8.

Dobavljač se obavezuje da će izvršavati isporuku robe i pružanje usluga tj. montiranje i ugrađivanje robe sukcesivno prema potrebi Ugovornog organa na adresu Ložionička 2. (Direkcija Zavoda) te na adresi Zmaja od Bosne bb (poslovnica Novi Grad – Novo Sarajevo) u roku od 10 dana od momenta dostavljanja narudžbenice.

Član 9.

Dobavljač ima pravo na produženje ugovornog roka ako je u isporuci robe u tom roku bio spriječen izvanrednim događajima koji se nisu mogli predvidjeti u vrijeme zaključenja ugovora.

Izvanrednim događajima se smatraju:

- prirodni događaji koji se smatraju višom silom (poplave, zemljotresi i druge prirodne nepogode).

Dobavljač je dužan da Ugovorni organ pismeno obavijesti o svojoj namjeri da zbog navedenih okolnosti traži produženje roka.

Član 10.

Ako Dobavljač zakasni sa isporukom robe, nema pravo na produženje ugovornog roka zbog okolnosti koje su nastale u vrijeme kada je bio u kašnjenju u skladu sa zakonskom regulativom dužan je izvršiti obeštećenje Ugovornom organu za štetu koju je pretrpio.

NAKNADA ŠTETE

Član 11.

Ugovorna strana koja neurednim ispunjenjem ili neispunjenjem ugovorne obaveze prouzrokuje štetu drugoj ugovornoj strani, dužna je da štetu naknadi prema važećim propisima i pravnim pravilima.

PRESTANAK UGOVORA

Član 12.

Ugovor se zaključuje do ispunjenja ugovornih obaveza, a ne duže od 1 (jedne) godine računajući od dana stupanja ovog ugovora na snagu.

Član 13.

Ugovor može prestati i prije njegovog izvršenja, u slučaju raskida.

Ugovorni organ može raskinuti ugovor:

- ako Dobavljač ne izvršava ugovorne obaveze,
- ukoliko se utvrdi da Dobavljač krši zakonske propise u domenu porezne politike, što uključuje direktne i indirektne poreze i ostale javne prihode, a posebno ako za radnike ne vrši izmirivanje obaveza po osnovu doprinosa za zdravstveno osiguranje, u rokovima i na način utvrđen zakonskim propisima,
- ako Ugovorni organ ne bude mogao da izvršava svoje obaveze iz ugovora,
- ako je zaostajanje u isporuci robe koja je predmet ugovora takvo da može dovesti u pitanje izvršenje ugovora.

Zbog neuredne isporuke robe, Ugovorni organ može raskinuti ugovor samo ako je do neuredne isporuke robe došlo krivicom Dobavljača.

K

Član 14.

Ugovorni organ će raskinuti ugovor sa Dobavljačem i ukoliko se ustanovi da ponuđena roba koja je zadovoljila zahtjeve iz Poziva na dostavljanje ponuda, nije jednaka isporučenoj robi koja je predmet ugovora.

Član 15.

Dobavljač može da raskine ugovor, ako Ugovorni organ usljed vlastite krivice ne izvrši svoje ugovorne obaveze. Ugovor se ne može raskinuti zbog neizvršenja neznatnog dijela ugovorne obaveze.

Dobavljač neće moći raskinuti ugovor bez pisanog poziva na ispunjenje ugovornih obaveza uz minimalni rok od osam (8) dana za postupanje Ugovornog organa po pozivu.

Član 16.

Ugovor se raskida pismenom izjavom koja se dostavlja drugoj strani. U izjavi mora biti naznačeno po kom osnovu se ugovor raskida.

OSTALE ODREDBE

Član 17.

Svi sporovi koji eventualno nastanu iz ovog ugovora rješavat će se međusobnim sporazumom ugovornih strana. Ako se spor ne riješi na taj način, ugovorna strana može se za rješenje obratiti stvarno nadležnom sudu u Sarajevu.

Član 18.

Ponuđač kojem je dodijeljen ugovor nema pravo zapošljavati, u svrhu izvršenja ugovora fizička ili pravna lica koja su učestvovala u pripremi Poziva na dostavljanje ponude, najmanje šest mjeseci po zaključenju ugovora, odnosno od početka realizacije ugovora.

Član 19.

Za sve ono što nije regulisano ovim ugovorom primjenjuju se važeći propisi i poslovni običaji u oblasti predmetnih nabavki i Zakon o obligacionim odnosima.

ZAVRŠNE ODREDBE

Član 20.

Sastavni dio ovog ugovora su:

- Poziv na dostavljanje ponude broj 03-08-Dž.H.N.-39652-OP/17 od 25.10.2017. godine;
- Prihvaćena ponuda ponuđača broj 157-E-17 od 01.11.2017. godine;
- Odluka o prihvatanju ponude broj 03-08-Dž.H.N.-39652-OPP/17 od 07.11.2017. godine.

Član 21.

Ovaj ugovor zaključen je u četiri (4) istovjetna primjerka od kojih svaka ugovorna strana zadržava po dva (2) primjerka.

DOBAVLJAČ

Efekt Komerc Dizajn d.o.o. Sarajevo

Armina Lutvica

Broj: 191/17
Datum: 05.12.2017

UGOVORNI ORGAN

**Zavod zdravstvenog osiguranja
kantona Sarajevo**

Mr. sci. dec. prim. spec. dr. Samir Turković

Broj: 03-08-Dž.H.N.-39652-UG/17
Datum: 29.11.2017. godine